

Broj: 101-4741/22 DžS *DfS*
Zenica, 30.03.2022. godine

Na osnovu člana 69., stav 2., tačka (d), člana 70., stav 1.,4., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-4739-1/22 DžS od 30.03.2022. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o poništenju postupka za nabavku

I

Poništava se postupak javne nabavke za nabavku lične i zaštitne opreme, LOT 1 – radna odjeća iz razloga što nijedna dostavljena ponuda nije prihvatljiva za ugovorni organ - član 69., stav 2., tačka (d) Zakona o javnim nabavkama.

II

Za izvršenje ove Odluke zadužuje se Komisija za nabavke.

III

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-2507/22 BS od 15.02.2022. godine. Javna nabavka je provedena putem otvorenog postupka sa zaključivanjem okvirnog sporazuma na period od 36 mjeseci. Procijenjena vrijednost javne nabavke za LOT 1 bez uračunatog PDV-a je 89.500,00 KM.

Dana 18.02.2022. godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-59-3-27/22 objavljena je i tenderska dokumentacija.

Poziv za preuzimanje tenderske dokumentacije broj: 406-2507-2/22 BS od 18.02.2022. godine upućen je sljedećim ponuđačima:

1. INTER – COM d.o.o. Zenica
2. KOTEKS d.o.o. Tešanj
3. RM COMPANY d.o.o. Zenica

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 21.03.2022. godine u 14:40 sati.

Rok za dostavljanje ponuda je bio 18.03.2022. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude u zatvorenoj koverti, i to:

1. DANIAL S d.o.o. Tešanj
2. MAX TRGOVINE d.o.o. Zenica

Komisija za nabavku imenovana je Odlukom broj: 105-16977/21 BS od 31.12.2021.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nema neblagovremeno zaprimljenih ponuda,
- ukupno 24 (dvadesetčetiri) ponuđača su preuzeli Tendersku dokumentaciju i Ispravku tenderske dokumentacije sa Portala javnih nabavki.

Komisija za nabavku je dana 30.03.2022. godine direktoru preduzeća dostavila Zapisnik o ocjeni ponuda broj: 501-4739/22 DžS od 30.03.2022. godine sa preporukom o poništenju postupka.

Uvidom u priloženu dokumentaciju otvorenog postupka broj: 406-2507-3/22 BS od 16.02.2022. godine – Nabavka lične i zaštitne opreme, LOT 1 – radna odjeća, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je cijena dostavljene ponude bilo koje ponuđača neprirodno niska.

Ponuđač DANIAL S d.o.o. Tešanj je dostavio uzorak zimsku jaknu (stavka 5) koja ne odgovara traženim karakteristikama. Naime, traženo je da se štepuna postava skida i da je ista pričvršćena za osnovnu jaknu pomoću 12 dugmadi. Na uzorku je predmetna postava prišivena i nije odvojiva od osnovne jakne. Iz gore navedenog razloga ponuda ponuđača DANIAL S d.o.o. Tešanj se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač MAX TRGOVINE d.o.o. Zenica nije dostavio tražene plombirane uzorke, važeće izvještaje laboratorijske analize, važeće izvještaje vizuelne kontrole gotovih proizvoda, niti bilo koje uzorke općenito. Takođe, ponuđač nije uopće uvezao ponudu, nije dostavio svu traženu dokumentaciju itd. Iz gore navedenih razloga ponuda ponuđača MAX TRGOVINE d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Polazeći od navedenih konstatacija, a uzimajući u obzir da nijedna zaprimljena ponuda nije prihvatljiva za ugovorni organ (član 68., stav (4), tačka (i) ZJN), Komisija za nabavku je dala preporuku da se predmetni postupak poništi u skladu sa članom 69., stav (2), tačka (d) Zakona o javnim nabavkama.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 69., stav 2., tačka (d) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.

Direktor:


Pašalić Emir, dipl.ing.građ.



DOSTAVLJENO:

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Komercijalna služba
- 1 x Služba sigurnosti, ZNR, ZOP i ZŽO
- 3 x Članovima Komisije
- 1 x Sekretar Komisije
- 1 x a/a